



張右史文集卷第三十五



絕句詩

二絕

萱草開時燕引雛。石盆雨滿長菖蒲。但



有賢人酒。何用門迎長者車。

門前山樹插雲青。雨足山前稻水平。桑拓半
殘蠶事了。綠陰深處轉殘鶯。

絕句

伏暑新除風露清。五更山舍一雞鳴。幽人枕

上朦朧睡卧看東岡次第明

衡門

衡門日晏晚雞鳴下舍人歸半掩高邑犬亡
聲山郭靜暮天寒月撥雲生

讀吳怡詩卷

羅田春動雪消初主簿清詩雪不如休學風
騷窮事業花前莫自古銅壺

踈梅半落雪中香想子孤吟對酒缸野水荒
山半猿鳥跨驢誰問賈長江

題趙案所收趙令穰大年烟林二絕

江上孤烟蔽遠林秋原人靜下鳴禽水鄉此

景常經眼誰信侯家畫萬金

楓林菽港白晝靜落雁飛鷗盡日閒平遠起
君千里恨清詩可要助江山

秋末圭竇齋前菊盛開賦得絕句時

拒出未歸

幽齋誰與破窮愁蜀錦當軒爛不收白帝屬
車千萬乘玉輪金轂照清秋

高 拒移宛丘牡丹植圭竇齋前作二絕

示 拒 秬 和

客未辭家似旅人栽培莫怪倍殷勤
明年太昊城中色來作齊安江上春
千里相逢如故人故栽庭下要相親
明年一笑東風裏山杏江桃不當春

雨 歌

雨歇山園竹引芽老禪睡起日初斜
今日却憶香巖老解點瀉山一椀茶

家童取酒衝泥至酒滿山瓶重莫携老子欣
然一笑起開嘗洗盞對山妻

平 生

平生壯節終難變投老浮名信所遭
要路爭先寧遠福從來率野屈吾曹

題 南 頓 先 武 祠

他日曾休羽葆車可憐宮寺已丘墟
雲臺諸將鏘冠劍却遣巖光配坐隅

登 金 陵 折 柳 亭 五 首

津亭折得綠楊枝。更有春風向手吹。建業城邊春已老。連天荒草燕雙飛。忽忽十日事。回首亦淒涼。何處無芳草。行人休斷腸。瞿曇昔教我。林下一道行。何事春江上。依依作俗情。綠衣溶溶日。紅飛寂寂春。青山今古事。芳草去來人。歌吹酒家市。帆檣客津。誰云絕勝地。登眺更傷神。

桃李番晴日。江山秀晚春。孤舟多病客。長道未歸人。豪俗競行樂。倦游慵問津。南山還暮雨。疑有楚臺神。

謂蔣帝祠過鍾山下二首

野塘春水綠迢迢。上有東風弄柳條。曉日已穿東嶺出。輕寒猶欲戰駝毛。溶溶野水戲鳧鷖。攏麥初長午景遲。盡日綠揚閒照水。臨風自愛好腰肢。

和李白李二秀才

美君年少盛游春。顧我無聊似卮陳。東市車
牛泥到領。不勞舉袂鄣京塵。

和蘇适春雪八絕

春城北斗轉。招搖寒御初。還陣尚囂。一夜雪
聲欺布被。定知貧舍固相撩。

寒陣洎憑酒解圍。閉官幸可典朝衣。一杯冷
落憑誰勸。却有飛花舞入帷。

白帝陰兵嚴羽衛。漢皇老傅振鬚眉。撒鹽飛
絮渾麗俗。盡撥塵言賦好詩。

溪上泛舟成底事。庵前夜立意如何。爭如萬

頃青青麥。絕勝黃河一尺波。

不死松篁勞借問。未開桃李與催粧。已饒艷
女。纖腰舞偏犯貧儒。百結裳

偏憎游騎往。在蹄污最稱佳人。素手團方丈。老

翁容膝外出門。四顧盡漫漫。

山中景物最幽奇。祗欠文君為賦詩。長憶東

風吹女兒瓊瑤交。貫碧琉璃。

寒窻凍坐成何事。趣喚紅粧遣暖寒。却把冷

賜盛美酒更令柔指撥清彈

宿盧村逆旅

夜宿村南貧主人入門桃李已殘春無人折
贈門前柳佇立東風獨愴神

紺碧

紺碧遙空秋意生深簷當午暑風清老翁睡
起支頤坐初聽新蟬第一聲

真初陽縣晝睡縣舍素絲堂

見君堂下小荷葉驚我客中春已空一覺西

堂亭午睡悠悠春夢逐春風

贈圓明老

一粥一齋年已老千經萬論不留心菩提本
自非言說默默知師得更深

方丈小山

窻外幽軒數步寬小山怪石對嶠屹說知老
子婆婆意且作僧房一初看

登山望海四首

江閣風烟易晚山高草木先秋獨倚欄干盡

日此身與世悠悠
仕宦此身謾爾功名已老茫然山鳥不須驚
客相親此復窮年
西望揚州何處雲中雙塔嶺岷山外雲濤斷
日夕陽應近長安
鳥去蒼烟古木人歸綠野孤舟信美雖非吾
土消憂且復登樓

書寺中所見四首

江市樵蕪早散山家燈火常昏紗帽搭筇獨

立龕中佛像無言
日出鄰僧乞食鐘鳴老叟閉門誰見春宵淨
境娟娟霽月當軒
扣戶誰驚午睡烹茶聽客論詩病裡雖成禁
酒興發何妨杖藜

閒裡老陰最好病多誰笑無多吾幻世間種一樹如春裡酒磨

讀潘郎文卷

霜鬢我猶諳鶴帽鬚子合封侯老拙何勞咄
咄踈慵且復悠悠

夜坐三首

門庭草草是客寢。室冷冷似僧春。寒猶涓篝
火。夜書頗復明燈。靈通寺前老圃。畦蔬想見如雲。謀拙嗟予飄
泊。歸來與爾知聞。微寒騷屑窓竹。淡月朦朧夜天。路暗城頭傳
警。漏稀更士高眠。

贈廣靖上人

七十龐眉禪客。曾見天衣老人。旃檀林中香
氣。悠然時有餘氤。

六言

青春要去便去。美酒得斟且斟。莫問世間蹀
躩。須知老境侵尋。

乾明院門望江山。懷淮陽城南步二

首

厄臺寺東野水。春來柳色鶯黃。江上滄波似
屋。蛟龍作惡難量。

憶昨淮陽把酒。目前唯欠山林。江上雲岑千
疊。為何特地愁心。

張說有江上愁心賦

和子瞻西太一宮詞

太一儲祥世世祠宮歲事年年絳節霓旌何處松庭玉坐蕭然

玉笋清晨薦酒天風靜夜飄香鳳吹管截孤竹琴絃奏曲瀟湘

白沙開西艤舟亭下二首

倦客時時醉眼津亭日日春寒目極傷春懷抱黃昏猶在闌干

客恨如雲冉冉風光似水迢迢回首十年舊

事令人淚盡魂消

秋園雜感

秋晚園林踈靜天高風日明鮮中有擔筇病客三杯外酒醺然

世事我深暗委人生他自奔忙刻木牽絲作技幾回弄罷淒涼

江上二首

相別亦何事相逢盡偶然愁腸貫綵筆離亭紡朱絃

紛紛渾是夢，黯黯只消魂。
江上浪無限，舟中酒一尊。

暇日六咏

雙白鴨

已斷鷹隼猜，仍叨主人惠。
皎潔靜天姿，雙栖莫相忌。

蛙

越國未忘吳，曾動君王意。
勾踐自有心，哢車汝無恃。

苦吟對 百舌

曉語月斜掛，盡啼春霽天。
胸中自有激，不是故多言。

柳絮

零亂委空風，悠揚點芳草。
却為身最輕，華堂等閒到。

不似 龜

映日漾清淵，沿沙曝玄甲。
愛爾千歲姿，藏身一蓮葉。

一畫 槐庭

清陰滿我庭 蒼蒼六槐老 野性苦避人 青苔不須掃

春日書事

禪宮門寂寂 庭草無形迹 東風自掃階 疑是開簾客

鹿邑道中

去歲秋時去 今年秋又來 浮名何所得 歲月苦相催

予元祐六年六月罷著作佐郎除秘書丞是歲仲冬復除著作郎兼史院檢討復至舊局題屏

庭樹應如我 相逢益老蒼 別來秋苦雨 但覺瓦松長

絕句

雨麥渾漫壟 風梅已退粧 高鴻望燕塞 飛疾不成行

用劉夢得三題

春向晚、斜日在高樓。幽花愁脉脉、輕絮去悠悠。
冉冉三更雨、蕭蕭通夜愁。
春已暮、把酒送春歸。花落鳴禽散、草長遊客稀。
去年堂上燕、故故傍人飛。
春竟去、白髮感生平。流水去不歸、夕陽猶有情。
舊時桃李月、悄悄向人明。

昔蘇先生游廬山詩云：平日懷真賞，神游杳靄間。如今不是夢，真箇有廬山。
輒繼一首

人生孰非夢、夢裡見廬山。若了元無夢、何曾有往還。

蘇先生詩云：芒鞋青竹杖，自挂百錢遊。何事春山裡，人人識故侯。輒繼其後。

齋心禮仙聖，不是愛山遊。山中笑何等，白髮東諸侯。

張右史文集卷第三十五

靜暗山川常在石麟間。青衫曾賜當年挂。欲附
龍髯不可攀。
風霆武畧走夷蠻。雲漢文章著不刊。萬世基
扃傳夏啟。百年威歲德畏軒轅。月遊渭水儀空
在。舞罷西陵淚未乾。腸斷反虞歌徹後。滿山
松栢夜霜寒。

哲宗皇帝挽詞四首

端拱循堯道。無為十六年。偏師擒胡利。上將
勒燕然。夢捐周王壽。丹催黃帝仙。淒涼舊載

筆。慟哭抱殘編。

秦地蟠螭紐。湯陽玉象光。升歌陳備樂。信史

記多祥。奪邑公無怨。開邊義侮亡。威靈對三

后。長在白雲卿。

萬世興王業。千年極治辰。澤丘還北祭。玉檢
議東巡。汗竹人間事。因山地下春。雲天不可
望。髯斷泣遺臣。

七月宮車駕西陵。觀闕新風雲。悲厚夜羽衛
異時。巡落月低金爵。秋蕪暗石麟。威靈凜如

在善繼有天倫全

故僕射司馬文正公挽詞四首

散坐方恭默邦家付老臣頌歌民一口形勢

國千鈞富庶新田里忠臣舊縉紳裴公恨不

早丘禱嘆無神

辭爵浮雲外安民反手中山林獨往意哀繡

太平功布被終身儉貂冠一命崇他年兩行

淚碑下泣羊公

經濟心猶壯清羸疾易傷那知西擗奠遽失

萬夫望家有詩書積墳無金玉藏誰知幅巾

歛曾佩玉上公章

伊洛平生興園林獨樂居曾過鄭公里得御

李公車華屋當年客名山異代書定知傳不

朽埋玉自治裾

欽慈皇后挽詞二首

疇昔熙寧盛遠同麟趾時內敦勤儉德陰輔

太平基餘烈光彤史追宗榮備母儀遺民懷永

裕簫鼓不勝悲

淑德承明舊。德音固有來。據龍符聖嗣。合劍
會軒臺。玉冷衣消馥。鸞昏鏡集埃。傷心國西
道。寂寞送車回。

范忠宣挽歌詞二首

晚生長恨老成空。猶及風流正始中。經國謀
猷號名相。傳家正直似先公。回天巨力。章猶
在。拯溺深言老更忠。誰念人心吊邦國。新阡
客泣白楊風。

瀟湘卧病吊纍沉。賜詔君王用意深。多士方

懷宣父孔子日。蒼生竟失傅巖霖。毡裘他日瞻吾
父。丹宸何人附舊箴。白首門生恩未報。悲詞
空想薤歌音。

黃幾道哀挽二首

風流正始久無聲。頗復因公到後生。千里族
人分俸祿。百年鄉黨守題評。青雲脫屣烏臺
峻。白首含香酒省清。但得將軍桃李在。寧須
公相寫銘旌。

異政潁川鳳。遺風叔度陂。聞哀若朋友。歸葬

東書詩百歲鄉人社他年故吏碑知公萬金
產故在阿戎兒

哭蔡彥規

青衫未白首已嘆掩新阡哭別自今日書來
纔去年功因鐘鼎記名賴友朋傳平昔圍碁
笑臨柯更泣然
文章不用世淪落掩山阿命也人無奈悲哉
天謂何至交嗟我少雙淚為君多遙想山陽
墓秋風吹薜蘿

范泰軍挽詞

力學志不就多才官可嗟生平叔知已泰軍叔文

正公也身後婦成家泰軍卒子初朱夫人守義教子皆成立

西洛新阡茂東吳慶系賒功名付諸子文史

舊生涯

任左藏挽詞

人也隱君子一官聊自閒誰能學管庫竟爾
死茅菅良璞不易剖大器終不變惟應太史
錄他日出名山

張夫人挽詞

榮子
雍母

世德簪纓貴家風孝友傳承夫知不忌愛子
故親賢飄忽人間夢生平物外緣諸天清淨
報可但閱重泉夫人版
依佛果
呂郡君挽詞錢穆
父妻
表海東侯長分吳異姓王世家端作合華裔
遠相望龍去孤神劍離成九鳳凰多情清散
騎悼逝足文章

太府李華鄉挽詞

妙譽馳場屋家風在縉紳使華推厚德鄉月
上通津德時方重山丘迹已陳長年先友
淚懷感獨沾巾

太皇太后挽詞二首

共政艱難際臨朝保佑初經綸付耆老利澤
到樵漁禮盛謙常抑功成委不居聖君深致
孝盡守典刑餘
坐安民物由修己默合神明為至公他日已
占懷月夢後來方信補天功四時化育坤無

事。六合清明日正中。九載憂勤已陳迹。空留
雙闕對青蒿。

李處道都曹文挽詞

淒涼正始後。尚復有斯人。慟哭亦云已。傷心
難重陳。傳家雙令器。懷德萬遺民。尚想典刑
在。蕭然老鶴身。

藥提婁石氏挽詞

和敬承天順。勤劬教子賢。平生積淨業。倉卒
嘆無年。孤劍留耿介。九雛誰撫憐。塵埃舊脂

澤。春草掩新阡。

鄧慎思學士挽詞

青衫獻賦逢知己。白首耽書還誤身。名著道
山傳故事。政行兩郡泣遺民。文成典午群疑
泮。音註詩和少陵佳句新。嘆息苦身成底事。
湖墳宿草已愁人。

清苦吟詩客。癯羸嗜學身。詩書不得力。鬼物
定欺人。類物傳遺學。書經植妙因。九原誰與
友。千載英魚臣。

潘鯁奉議挽詞

廉退辭榮早，清會卜吉遲。
冒山新北域，從宦舊書詩。
松菊留三迳，蘆瓢遺兩兒。
升堂舊賓客，執紼涕交頤。

潘處士挽辭

異時輕士老才良，况復程能翰墨場。
酒裡浮沉真得計，生涯落魄定何方。
德尊故社江山永，文付諸孫虎豹章。
環堵如今空五柳，蕭然風物似柴桑。

悼亡九首

菊花還似去年黃，一寸愁心萬事傷。
獨立高樓對殘日，秋風吹得淚千行。

遠夜新霜彫碧槐，三更寒月滿堂階。
美人化作秋風去，只有清魂夢裡來。
千行垂淚對風烟，萬事傷心見女前。
曉鏡不洎催白髮，潘郎秋鬢久蕭然。
曉梳零亂髮星星，病眼昏昏怯夜燈。
烏兒素屏雙草屨，百年從此學山僧。

新霜已重菊初殘。半死梧桐泣井欄。可是神
傷即無淚。哭多清血已應乾。
亦知存沒等浮雲。解笑多悲失道真。却恐荒
唐齊物叟。鼓盆真是已傷神。
山僧老去久忘情。笑我多悲白髮生。為道人
生具煩惱。早來林下共脩行。
嵩陽道出建春門。同入西都四見春。誰為回
頭隔存沒。斷腸今作獨歸人。
欲治煩惱更無方。只有頭陀理最長。不待存

亡始知夢。故應交臂已淒涼。

李少卿挽詞二首

青雲舊馳譽。白髮早辭榮。談笑惟詩酒。交游
盡老成。支離病中見。瀟灑舊時情。已矣不可
問。九原松柏聲。
幾年林下遠塵埃。儒雅風流誰與鄰。筆底病
來猶壯健。詩情老去更清新。幽齋昔日琴書
換。新塚東風草木春。懷思想只疑高興在一吟。
遺句淚沾巾。

悼逝

結髮為夫婦。少年共饑寒。我迂趨世拙。十載困微官。男兒不終窮。會展凌風翰。相期脫崎嶇。一笑紆艱難。秋風摧芳蕙。既去不可還。滴我眼中血。悲哉摧肺肝。兒稚立我前。求母夜不眠。我雖欲告之。哽咽不能言。積金雖至斗。紆朱走華軒。失我同心人。撫事皆悲酸。積日而成時。積時更成年。山海會崩竭。音容永茫然。三十二卷終

張右史文集卷第三十七

同文唱和

詩呈同院諸公

鄧忠臣

秋日同文館。多朋信可依。慧鶯還伴宿。巧燕自知歸。藻鑑由來定。翹材未覺稀。賢書早晚上。拭目看珠璣。

秋日同文館。朝暉淡淡光。聚蚊喧敗帳。飛蝠入雕梁。香散青綾被。書翻古錦囊。群居有英彥。晤語興何長。

秋日同文館虛廊日幾迴浮光花出林杪古樾
蔽城隈遠笛悲仍壯幽禽去又來微吟還自
喜共和有清才

余幹

秋日同文館官寮許暫依衛軒留鶴住楚澤
滯鴻歸木暹山中勝珍求世上稀清時方物
貢寧在篋中璣

秋日同文館掄才又一回捩捩輸海徽金玉
振巖隈富瞻看先達清新畏後來百朋行可

錫所樂在多才

秋日同文館興賢通與先雄奇思汝穎浮巧
笑齊梁綠醕傾蛆甕青燈拆米囊粟名雅
談揮玉塵未厭漏聲長

耿南仲

秋日同文館閑無一事依闌羊誰得雋倦鳥
客思歸寢處還相向過從不患稀何當有星
聚誰為問璇璣

秋日同文館衰然觀國光泗濱何限馨紫麓

易求梁。劍氣頻衝斗。錐鋒定出囊。於余慙拙
匠。操尺預量長。

秋日同文館。新涼逐雨回。棘垣嬰吏局。蕙帳
憶山隈。射為巧狙發。田因文豹來。西城隨分
鎖。夫我室多才。

商倚

秋日同文館。群賢道足依。心遊黃卷靜。目送
白雲歸。寶玉荆山靜。文星禁掖稀。館閣諸公
清談欣屢接。紛若落瓊璣。

秋日同文館。雲沉夕照光。蛩吟塔下草。螢照
屋間梁。卧月搜詩句。挑燈認藥囊。夜閑獨衾
枕。歸夢楚山長。

秋日同文館。愁腸夜九回。圖書堆枕畔。歌吹
隔牆隈。宿鳥翻技去。涼風帶雨來。新詩螢見
寄。難繼謫仙才。

倚

秋日同文館。群書畫可依。哀遲多病在。留滯
故園歸。但怕酒杯滿。莫教詩卷稀。惟羞狂叟

句瓦礫報玲瓏
秋日同文館晨暉帶冷光
綵雲瞻鳳闕細雨
憶魚梁義事班超筆空嗟
趙壹囊簾閒坐無
語千丈旅愁長
秋日同文館西風昨夜回
燕巢留屋角蛛網
掛墻隈書任邊韶懶
詩慙匡鼎來人人皆抱
璞誰是濟川才

未

鄧侯讀書室編簡自相依
胠手焚膏寫瘡肩

滿橐歸業文從古有
忍志似公稀欲挈空虛
篋從君乞目璣

鄧子詩成癖全分李杜光
楚風還屈宋宮體
變齊梁蔡子辨焦尾
晁公懷智囊三賢方鼎
峙安敢用吾長

惟思元若天啟
侶獲同院故云

我愧言詩賜公真好學
回雙書芝閣上藏史
楚山隈把酒論文裡
連房校藝來知君懷水
鏡依賴免遺才

晁補之

平生鄧夫子。文墨晚相依。臺閣佳聲在湖湘。
爽氣歸詩誇束筮。客髮歎耕^耨苗。穡勤若干秋。
事川明水孕璣。雄深張子句。山水發天光。黃鵠愁嚴道。玄龜
困呂梁。愛君豪韻脫。嗟我病僮囊。驥尾何當
附。西風萬里長。
蔡侯南國秀。經緯耿昭回。文史^性苦生^龍劍。風雲
蟄起隈。吾君求助急。之子為時來。萬旅防秋
賈。何如一士才。

曹輔

十歲湖湘客。淹留何所依。清名漢閣在。他夜
楚帆歸。落日三秋晚。浮生一笑稀。每煩貽秀
句。真似暗投璣。妙論凌朝徹。高文敵夜光。輝煌照群玉。縹緲
絕飛梁。得句題青竹。圓碁挽紫囊。相從愧衰
朽。湖海興偏長。富貴心非願。山林首重回。拂衣清世外。築室
白雲隈。杜口同摩詰。忘形學子來。斯遊行欲

遂即此接辟才

蔡肇

圖書從所好，英俊此焉依。奎壁重開照，琳琅
畫得歸。地嚴宮漏轉，門掩吏人稀。子有詩三
百，西江咀寶璣。

客去衣裳懶，更長燈燭光。隨身一書笈，貯腹

萬雕梁。夢舊傳青館，封須拜皂囊。羽翰從此

正，天步赤霄長。

慎思方補文宮殿
疏於有勝學之戲

諸彥聯翩入，斯文迤邐回。滔滔引溟漲，爛爛

繚巖隈。此地身拘窘，他時心往來。倡酬真有

味，顧我獨非才。

柳子文

鄧子知名久，秋闈得暫依。論文虛以往，講道

實而歸。得句磨酬數，忘言笑語稀。自慙初學

步，魚目混珠璣。

刻意長，汝客編書遊。隙光朝方登，廟器時可

詠。山梁未用嘲，經筵端宜號。智囊頗聞窮，史

學猶想見三長。

官輟蓬萊直身從帝所回文章孔庭與事業
傳巖隈多士朝廷念諸公殿閣來英雄洎入
鼓應有濟川才

李公麟

苦學鄧夫子仁風良可依顏回樂也內曾點
詠而歸盛德彌年邵知音貴我稀瀟湘逢此
地咳唾得明珠

瑠瑤墨客堂太一助燈光紬史探金櫃摘詞
扣柏梁近傳江練筆遠緝漢珠囊吏部文難

可猶稱萬丈長

共拔南宮藝多年復此回群賢主堂與一榻
占廊隈陟牒朝隨逐詩筒夜往來故人情不
淺無乃困慳才

秋日同文館詩

忠臣

秋日同文館分場試未齊借書窮石室刊字
費棠梨想見英雄鼓誰當甲乙題喜陪群彦

集通籍在金閨

集考堂考思元忠
器之文潛元皆

秋日同文館來遊翰墨場預聞周後造多有

漢文章。蘭室依新潤。芸書識舊香。逢辰強思
報。矯首咏明康。

秋日同文館。晨興不待雞。耽書達甲子。行樂
在東西。靜對庭柯影。閑常掃葉題。相期放朝
後。連日醉如泥。少借元符云似連次
云似有句

補之

高堂置書几。連幕與雲齊。暑服猶便葛。秋盤
已飭梨。官醪聊且醉。古錦不成題。空對燈花
喜。重城隔夜闈。

輟直讐書館。聯裾授藝場。騰驤來萬里。挺拔
出千章。直釣何妨得。食風未必香。搜才賴公
等。要助俗成康。

憶我蓬萊閣。同聽午唱雞。星辰望天北。簪組
隔城西。幾日宣魚鑰。長驅響月題。更憑催鄧
子。要剗玉如泥。

未

騎列千牀直。雲羅萬卷齊。紆妍交孔翠。爭味
雜粗梨。白日諸侯首。青春天老題。秋清文酒

健莫嘆羽林閨
聲鳴皆出谷背距各爭場鐵網收明月霜銜
倒豫章湛恩終錫宴優禮合焚香最苦讐書
客消愁賴杜康
六街分夜鼓鄰屋報朝雞寒引秋初老天將
斗轉西滯留聊飲酒談笑亦分題須信家居
樂休嫌窮巷泥

肇

清月看初滿黃花吐未齊小山思隱挂大谷

憶佳梨節物信可美詩騷懶自題年長諳獨
宿聽雨閉秋閨

臣合青雲幕縱橫白羽場誰矜率爾對吾念
斐然章名淡隄糜榜衣飄月窟香春風馬蹄
疾鞭帽散平康

萬里夷王子曾聽若木雞泛舟滄海外授館
國門西琛幣求重譯車書想舊題蒼梧弓劍

冷雲雨泣芝泥

試院乃高
鹿使客館

聞寂同文館秋英綻欲齊禪祀分白乳仙果

破青梨琴理將忘曲詩探未賦題清懽在文
史誰復夢重閨
明時勤選擢間設譽髦場該學添三傳微能
及九章靜無挑葉唱清有菊花香解我幽憂
病惟應賴杜康
鵠卵因時化如何起越難逸群來冀北屏氣
入淮西盛事魚三物浮辭斥百題慎酒精藻
鑑寵辱異雲泥

倚

秋日同文館高堂宴集齊杯盤供魯酒敵核
欠張梨揚孟持新論韓莊鄙舊題須知宗匠
手文采冠南閨
秋日同文館何人獨擅場養莪方在泚琢玉
已成章筆別千鋒陣庭焚一炷香得賢從自
始豈特致民康
秋日同文館樓林看晚雞斗垂宮殿北月轉
戶庭西酒勸杯中綠詩分燭下題何時還九
陌細雨暮成泥

南仲

詔命連催發英髦一日齊周瑜醇似酒崔遠
 爽於梨高館清無夢寒燈坐賦題還同宿山
 驛風雨閉重閨
 槐市任花黃睿歌且闕場醒心流水曲警耳
 白雲章冷竹枝枝翠芳蘭葉葉香滿前皆俊
 彥何但有三康
 翠幕春雲合場登看舞難真搜人不到驚
 日沉西晴學愁精鑿英材喜巨題何人當首

選雙駱起甄泥

子文

磊落群英集崢嶸逸氣齊捷機間墮竈妙論
 及交梨庭木何年植忘塵異域題高鹿人館此書字尚
 在獨憐車馬散寒月滿宮闈
 懶散江湖客秋深念滌場端宜返田里安敢
 論文章山塢橙應熟霜籬菊正香行歸招隱
 客鼓腹詠時康上居向作有招隱在林之勝
 國器來金馬儒冠萃木雞勝心爭逐北鏡氣

鼓爭西海嶠。鵬程息春風。雁塔題應思。連夜
雨。車馬六街泥。

公麟

鎖寂身如隱。幽清物向齊。忘憂經露菊。蘇肺
到霜梨。白髮資談笑。朱籤歷品題。賢書天下
望。鵲喜遍深閨。

吻吻鹿鳴野。皎皎白駒場。朋盍連茅茹。文程
琢玉章。門通三級峻。桂露一年香。度及飛龍
旦。同歌庶事康。

寄樓容。幙燕覆部等。醴雞欲雨風。多北窮秋
日。易西官書便。夜讀家報索。親題早晚驂。駢
入重門拆印泥。

輔

別館朋簪盍。華堂宴俎齊。手書思露橘。齒冷
怯冰梨。桐影迷金井。苔痕上壁題。共憐今夜
月。亦解照秋闈。
平生書酒興。縮手少年場。誰敵江河量。爭看
錦繡章。論才皆國器。滿袖尚天香。欲寫弘文

士風流有長康
開口曾吟鳳臨池
豈厭難詩豪杜工部
墨妙
更征西歸及黃花
在能忘彩筆題
醉遊須爛
漫莫惜錦幃泥

未試即事雜書率用秋日同文館為
首句
思臣

秋日同文館
沉沉鎖棘闈
捲簾襟乍快
歌枕
夢先歸
驟雨夏環堵
回風喜袂衣
十年經五
試撫事意多違

秋日同文館
人間景自長
重簾朝氣入
嘉木
午陰涼
朝市喧聊避
山林興未忘
頻添繞爐
水還與試香方

秋日同文館
重門靜不開
雲隨鴻影去
風送
樂聲來
揀架書千軸
論文酒百杯
晚花陳葉
滿還是作愁媒

未

邃館深魚鑰
華堂靜綺闌
每勞蛩作伴
不與
燕同歸
古棟蝸成篆
空墻薜作衣
寂寥還泛

菊九日莫相違

名自諸侯選。功收一日長。文章雜蛟蚘。丹墨有炎涼。平昔曾充貢。酸寒未易忘。書生成底事。飽死笑東方。

倦枕愁霖苦。晴明宿霧開。幕雲當晝合。袍雪與風來。元日彤庭實。春風曲水杯。何須戀揚

柳。聖世要無媒。

唐無名氏白不字居句早知不用每嫌客心前以向揚柳春

翳翳雲生樹。翻翻風動闌。高秋忽如此。吾黨

苦思歸。極目愁闌塞。侵寒寄楮衣。少狂真喜事。回首此心違。

物色清秋過。官曹靜夜長。華星披夕靄。皓露洗空涼。律細詩難繼。禪心夢易忘。依稀會佛日。香火宿諸方。

取士漁鹽出。傳經戶牖開。驚濤簾外起。驟雨筆端來。人競懸金鑑。書方肯玉杯。太平元有象。勿遣賦良媒。

補之

風雲日夕改。秋氣襲堂闈。映葉無蜩響。依叢
有蝶歸。官壺催賜酎。鄰杵急成衣。留滯真何
補。葦鱸興又違。

氣入中秋勁。更傳五夜長。青燈蛾舞急。白日
雁啼涼。羈旅生應惜。淹留久却忘。吟詩酬鄧
子。畢昴出東方。

前世生諸選。平居數路開。鄉閭自相與。巖穴
亦時來。射雉空亡矢。為蛇更奪杯。千金曾市
骨。聊用作龍媒。

幹

零露沾明砌。淒風入邃闈。添愁蟲勸織。驚夢
鳥催歸。哀調孤吹笛。寒聲遠搗衣。飄蓬雖已
久。今夜覺分違。
引類憑先進。搜材及寸長。隔簾愁晝暝。隱几
怯秋涼。化力人難測。機心我已忘。封侯良可
待。誰有不龜方。

簾幕深常閉。門庭閒未開。愁將河女隔。喜見
月娥來。騷客吟冰柱。仙官醉玉杯。蹇修那可

得笑齒竟誰媒

倚

氣候逢秋晏，蛩鳴入戶闌。
簷空看雀鬪，天濶暮鴉歸。
風急飄庭葉，寒光著客衣。
重陽故人境，應念賞心違。
門深屢市遠，幽寂興何長。
徑菊晴披艷，窻風晚逗涼。
聖經閒裡醉，塵鎖夢中忘。
更苦年來病，時看肘後方。
亭舍回廊接，重簾晝日閑。
鳴蟬隨雨退，踈雁

拂雲來吟興，降難韵。
西騎懷寄淺，杯驚颺。
漸淒緊，又欲作寒媒。

子文

虛廊空白，燈火閉重闌。
思苦詩難繼，更長夢易歸。
徒勞爭墨搗，酒信有朱衣。
萬事前期定，升沉不爾違。
一一聽宮徵，銖銖較短長。
品題分玉石，得失異炎涼。
中的非無術，知音豈易忘。
魚龍頭角老，變化更何方。

萬戶爭看榜。三年此一開。異時千載遇。此日
四方來。價重連城璧。珍逾羽化杯。山梁欣有
獲。置網豈須媒。

李公麟

葉乾風索索。霜月到書闈。技並鷓鴣宿。吟
螭蟀歸。幽人知坦履。遊子念縫衣。晴喜還家
近。承顏慰久違。
莫以多為贅。須知寸有長。拾才何濟濟。顧我
獨涼涼。雷雨龍皆起。江湖魚兩忘。攀依聊假

手。賢立本無方。

今朝庭鵲喜。燈為一花開。側指皂囊去。轉頭
驄馬來。新橙家斫鱸。殘菊客浮杯。樂事連休
日。酒憑酒作媒。

南仲

敗葉掃還飛。秋容肅粉闈。青錢如已選。白璧
會須歸。燕坐書橫案。孤吟月滿衣。還同清散
騎。魚鳥性都違。

大軸累千箱。鳧中見鶴長。靜臨窓几讀。爽入

肺肝涼誇吃爭求勝疲勞忽自忘由來京邑
貢正合冠多方
藹藹儒冠至恢恢賢路開才須金鑑別人自
玉山來謝密書千卷稔康酒一椀如君富術
業當與雉為媒

輔

空庭秋色晚風露入重闌白髮已無數故山
猶未歸江湖千里月砧杵萬家衣把鏡西風
裡低徊志願違

鄧子詩成癖苦吟秋夜長江山得奇秀風月
借清涼郢曲高難和騷人興未忘從君乞餘
教換肯有仙方

驄馬何時到重闌計日開迎門稚子笑載酒
故人來休沐猶三日狂歌且百杯祥麟秋苑
靜更約看龍媒

天啟有少年真喜事之句用其韻和

忠臣

慷慨論邊事飄蕭動禮闈肯須金印綬老要

玉闈歸食酪便掄寒鳴鏡惜鐵衣懸知雄辨
在志願未應違

百萬防秋去軍容凜將闌詩排雲鳥出畫獵
犬羊歸老息陰符讀慵便直裰衣鄧侯多衰
興時命不手還

詩呈同院後至諸公

忠臣

秋日同文館飛章待報回
絲綸先日降鵷鷺
忽明來諸彦俱精鑿
微生亦濫陪紛紛五千

牘誰定冠倫魁

子文

秋日同文館中官押入回
西風初雨去明月
為人來藻鑑
君許磨歌愧我陪
相逢已止
寢坐見斗移魁

向向

秋日同文館英遊賜與回
搜才推藻鑑明試
副招來玉塵聞餘論
金尊喜屢陪歸鞍期早
晚斗柄指天魁

同文秋已半。簾幕燕初回。議論皆先覺。哀遲
愧後來。文衡那敢與。談柄且容陪。誰握豐城
劍。光芒徹斗魁。

輔

公麟

秋日同文館。凜風動九回。亂雲收暑去。一雨
送寒來。猥與英躔接。慚非藻鑿陪。雍畿茲翮
俊。元祐看新魁。

肇

文書汗牛馬。棟宇切昭回。剗玉君曾試。吹竽
我亦來。鑒精真有賴。詩妙不容陪。只憶歸山
去。霜畦斲芋魁。

未

驅馬嘶將近。天門報欲回。妻孥憐別久。隣里
問歸來。左學徒仍在西城宴。許陪腹毛何足
問。竒捷看渠魁。

聞慎思話舊隱用回字韵

補之

間在豪塘隱松林日百回當年鹿何往異世
鶴歸來未許茅齋並終朝蠟屐陪丹留杉不
死夜氣看星魁

惟思家臨相豪塘晉陶瞻隱此山古卷一曰
鹿道幸鹿仙寺眼丹杉杉今六十餘抱云

詩呈同院

忠臣

秋日同文館論交手重携胡秦常恨邈李杜
豈堪齊尚喜新知語閑思舊句題千年芳夢
想同直集英西

益

秋日同文館文編亦共携升沉都莫問榮辱

已能齊酒美何妨醉詩成強自題從容約歸
日訪子省闈西

張右史文集卷第三十七



張右史文集卷第三十八

同文唱和

初入試院

鄧忠臣

東門驄馬止行行被詔秋闈閱俊英三島隔
雲天北極萬燈明路國西城人閒聊假詩書
樂地遠還間市井聲一夜涼風起闔闔月中
應有桂枝生

孔武仲

千載江湖萬里行偶來西館閱豪英雲龍九

關晨書詔燈火千門夜出城。瀟灑庭除當月色。稠重帶斷人聲。年家兄弟今同舍。曾見河南起賈生。
惟思被薦為唐西先人為
轉運判官有詩飲行

晁補之

官局悠悠共此行。來時庭菊未含英。五更脫葉驚書几。一夜寒砧滿禁城。詩似涼風凜有興。酒如清露范無聲。何時駟馬催歸去。更有林端晁一生。

來

莫嘆息。息。襟被行。賴逢數子美如英。已看明月同為客。應犯初寒復入城。白日有書追睡思。青燈無夢聽秋聲。直無剔甲道逢地。幾日疑公太瘦生。
惟思被薦為唐西先人為
轉運判官有詩飲行

子文

楚然誰復喜斯行。開豁拘懷賴俊英。上國擢材初改轍。衆心督戰亦乘城。何時奏籍瞻霜簡。且復安眠聽雨聲。異日倘容休沐會。未慙相約太癯生。

賦詩太動土

公麟

初使書囊問隊行。聚星深館架諸英。雲隨襟袖未蓬島。香散房櫺宿化城。振鷺充庭天有幕。珊瑚入網海無聲。乾摸一世尊先覺。况此提平慰後生。

倚

承詔掄材敢倦行。廣庭深鎖待群英。分場自敵三千客。決勝誰降七十城。夜案尚聞塗卷筆。曉堂方聽讀書聲。每早嘗聞無歸時還有

黃花香已覺。秋風滿袖生。

徐幹

江南嘗應檄書行。多向西風拂露英。薄暮解裝融祖寺。去年八月。換淨宿牛頭山。于祖堂寺法融禪師坐禪處也。侵晨揮策楚王城。在宣州。歙州考。試時曾過。明蟾又見中秋色。哀雁仍聞半夜聲。懷舊感新搔短髮。歸時應有二毛生。

南仲

昭回雲漢九天橫。冠帶和和畫後英。梁國有

珠光照乘。趙人懷璧。僧連城道。山遠處分群。
彦。文律持來考正聲。秋晚定知誰入彀。叔通
還進魯諸生。

肇

千門鑰入斷人行。禁漏稀微出通英。齊拜勅
書期。老伏泣驅駟御出西城。誼謙燈火看如
夢。閑鎖官曹祇寄聲。聊付能詩破竊旅。詩成
冉冉又還生。

試院即事呈諸公

幹

去家策馬上長河。逆旅光陰忽忽過。陳迹不
堪追放浪。新才仍復委搜羅。雅談幸有青雲
士。佳句寧無白雪歌。此興非憑吟笑遣。未應
能奈客愁何。

武仲

衡門咫尺限關河。此地平時足馬過。欲把塵
埃補山岳。寧辭羽翮寄罝羅。華堂翠幕供閑
燕。明月清風伴嘯歌。擬寫秋郊須筆力。新詩
句句似陰何。

天街初月映天河。拜勅東華走馬過。解榻暫
如鳧。遇水閉簾還似雉。攔羅倦依書冊工。催
睡悶倚諸篇足。當歌可待紛紛厭。朱墨畫閑
唯有飲無何。

未

天街落日走鳴珂。咫尺衡門不許過。催去據
鞍猶鶴望。爭觀夾道已雲羅。奏篇定有凌雲
賦。招隱今無扣角歌。最苦清秋辜美睡。通宵

三問夜如何

子文

高談初喜聽懸河。未厭鄰房日夕過。蝴蝶乍
迴塵外夢。蜘蛛看結雨中羅。銀袍較藝觀勅
敵。玉帳收功聽凱歌。共是當年廷試客。銷闌
今日合如何。

公麟

盍簪間善若江河。簾幙踈閒笑語過。月照飛
牋穿戶綺。風生揮麈動衣羅。已張英毅收三

俊更賦離騷續九歌涼夜沉沉清不寐空庭
無奈葉聲何

忠臣

俊遊常恨遼山河邂逅文闈喜屢過朱簿分
明俱鼎立墨圖伴位看墨羅人開戶牖還相
近朝得英材信可歌雙鑰重閉非不密只應
無奈夢魂何

南仲

重門鍵鑰阻山河注翰顧有良朋不厭過嘆落如

珠傾巨斛袂揮成幕散輕羅漸分處士吹竽
俸謾學東人掩鼻歌笑語哄成俄又夜客愁
還奈我曹何

倚

風生簾幕撼層波况值清秋一半過堂上簪
裾方鷺集案間圖史已星羅東籬採菊朝嘗
酒北里吹竽夜聽歌早晚奏名聞黼坐望中
無奈白雲何

再呈慎思諸公兼以言懷

南窓寂若隱山河。時在金門步見過。談笑且
看揮麈玉。篇章寧惜洒殘羅。已羞軒冕嬰身
任。更問功名撫劍歌。吟得涼秋好風月。不戒
吟醉奈愁何。

忠臣

秋闈深鎖覺愁多。賴有英遊玉趾過。日望高
樓吟楚月。夢隨明月到南羅。相羅子
家所在南宮曾
看揮華藻。西館還來共笑歌。六稔飛光如過
隙。人生誰奈老催何。召平宣義登
科六年矣

試場未動文書靜。官舍相聯步履過。千丈蒼
波爭倚薄。十圍便腹有森羅。登臨已結騷人
恨。填委終翻勞者歌。後夜中庭佳月色。惟予
不飲奈明何。

重九考罷試卷書呈同院諸公

忠臣

題遍朱籤棟宇充。燈窓長聽景陽鐘。昏眵直
要金篦刮。黎瘦都如飯顆逢。文律自隨星斗
變。月評應合士人從。了無一事猶深鎖。辜負

東籬菊興濃。

補之

周行擲比未應充。薦廟方求古鼎鐘。經眼乍
愁千紙積。解胸聊喜一言逢。黃花庭檻時雖
過。白酒鄰樽願可從。更促寄衣真似旅。曉堂
初怯露寒濃。

南仲

貞珍已選茂良充。猶被拘縻類縛鐘。祿酒強
陪高館飲。黃花不似故園逢。暮枰苦戰挑燈
坐。蘇壁閒題捧硯從。風葉滿庭秋索寞。更籌
向盡睡方濃。

幹

庭實方期國士充。知音須辨鐸符鐘。孔融爰
客樽常滿。摩詰思親節。又逢烏養任真終。自
適羸謀傷性竟。誰從開門預計無。多日猶起
清愁暮靄濃。

忠臣

屢見高文試澤宮。長年忝拔愧龍鍾。懸瓌待

價由來久。綠綺知音不易逢。吉語乍聞隨鵲
喜歸期專欲問。龜從到家莫負如泥約。光祿
供醪味正濃。子有詩與同舍云相期
故梅後連日解此泥

肇

清秋官舍酒瓶空。滿袖黃花情所鍾。忽聽數
篇吟可老。絕知開口笑難逢。浮身有底不歸
去。戲馬猶能限莫從。江上鱸魚三尺許。西風
歌枕夢魂濃。

未

回首登高行復冬。後時只合歎龍鍾。愁須白
酒來酣戰。詩為黃花吊不逢。十日飛騰過眼
疾。萬籤甲乙定誰從。共應靜掃攬。偷撮深炷
爐香午睡濃。時去開
院十日

子文

侵尋節物過秋風。何處鈞天燕鼓鐘。九日菊
花聊一醉。五湖佳士偶相逢。挑燈款語時供
笑。借紙聯詩且漫從。待得出闌應放意。百杯
追逐興方濃。慎思有如
泥之約

公麟

顛俊天畿合辟雍愧將瓦釜綴黃鐘聽窮一
一竿無濫撥遍磷磷玉似逢龜到列春庭先壞
真龍飛天路得雲從吾曹莫念拘縈久求稱
公朝度賞濃
鞅掌棲遲一畝宮惜聽更拆及晨鐘黃華慰
眼祇爾許綠蟻于人亦漫逢幾日囊篇磨不
逮二時庭步笑相從近來尋却家山夢投枕
和衣睡更濃

夜聽無咎文潛對榻誦詩響應達旦
欽服雄俊輒用九日詩韵奉貽

忠臣

連林交語響春容激楚評騭徹曉鐘繞宅金
絲神共聽滿潭雷雨劍初逢信知自有江山
助便欲長操儿杖從俱是年家情不淺依蘭
應許占香濃

先子聖法職方丞都官同年忠
臣學真之同年家傳有言知之

依韻奉酬慎思兄夜聽誦詩見詠之
作

昔遇晁公淮水東。士衡已聽語如鐘。五車講
學知無敵。十載論文喜再逢。匣古劍光疑鬼
泣。夜天虎嘯有風從。許侯破的由來事。三句皆屬
晁杜老裁詩曉墨濃。

與文潛誦詩達旦。慎思有作次韵呈
補之

神交千古聖賢中。尚想銅山應洛鐘。傾蓋十
年唯子舊。知音一世更誰逢。天如蟻磨駸駸
且。談似繹車甕甕從。鄰榻鄧侯那不共。擁衾

百首興方濃。

次韻重九之什

倚

英豪獻策廣庭中。問辨紛紛似叩鐘。名奏九
重書密上。士攸千載運親逢。鶯鳴定獲喬林
樂。鳳舉應容衆羽從。盛世文章由此變。坐看
風俗及醇濃。

昔年此日故園東。爛醉牛山到暮鐘。牛山在萬州城

東二十已往光陰那再得。如今羈旅又重逢。

淵明把菊情雖厚。子美登臺願莫從。杜甫九日詩云

抱病起登江上臺且看群書歌枕卧病多仍負酒杯
濃

次韵慎思貽二公誦詩 肇

卧聽高齋落葉風清詩交詠想晨鐘故人厚
意論千載正始遺音僅一逢膠漆初期在俄
頃雲龍莫恨不相從芸房深鎖秋香冷
葱蔥佳氣濃

未

西城永夜靈鼙鼓北寺五更晴石鐘九牧何

時官事了三英聊喜故人逢甲庚定處居無
讓蹊蹠歸時我請從欲却睡魔通夕語明窓
茗粥不辭濃

八弟預薦慎思兄以詩為復次韵并
寄八弟 補之

吾弟平生辛苦同匹雛志舉百鈞鍾自慚操
瑟向不斥勸使力田終有逢青眼故人欣捷
報白頭老母喜占從書林倘預西城集驪子
酣酣杏正濃

九日考試罷間無咎天啟二弟薦名
因用前韵以紓同慶之懷 忠臣
朱墨沉迷萬卷中斗筲那得變千鍾風流不
似臺南戲宇落政如江上逢閣筆文書聊撥
棄到家車馬數過從阿連已與甘泉奏歸拜
萱堂喜更濃

慎思兄別墅在長沙白鶴山晉陶深
舊居事見本傳今其居有大杉可十
數圍蕃茂特異世傳深藏丹其中用

前韵謹賦

未

千年騎鶴老仙翁固是山川秀氣鍾挑洞自
宜無客到吳門應合有人逢巖前舊隱孤杉
老壺裏真遊白鹿從近有蓬萊讀書客卜居
還占翠嵐濃

家弟別試預薦特蒙慎思學士贈詩
致慶感荷不已次韵酬謝

肇

我家書冊代耕農尚祝甌窶取一鍾再築金

臺端不昧高懸水鏡亦難逢。親闈動喜欣欣色。士論推公超超從。好在黃花薦歸壽。秋堂
懽笑變春濃。

同舍問及放山景物用鍾字韻賦詩

以答

忠臣

吾廬高對玉池峰。日聽諸天奏鼓鍾。海外鶴
歸青嶂覺。洞中花落碧溪逢。翻經夜對高禪
講。採藥晨邀老圃從。說與群仙如畫出。紛然
歸思亂雲濃。

松廬四境皆名山佛宮道宇前古寺不遠十里

白鹿真人歛御風。青衫手種大如鍾。還丹未
化神應護。通骨相期子合逢。萬里且看騰踏
去。一搏聊喜笑言從。措拳列壑休南望。曉榻
秋陰分外濃。

補之

玉泉飛落白霞峰。散入山田畝十鍾。鄧子結
廬真世外。陶公脫屣更誰逢。鶯啼春竹風烟
近。龍起秋堂雨電從。誰使山人空蕙帳。蓬萊
金殿興方濃。

洞庭湖水白雲峰。醉臥虛堂聽曉鐘。澗草巖
花無日歇。仙人玉女有時逢。脂車石路君能
去。蠟屐秋風我願從。欲藉神方變華髮。黃精
苗盛菊香濃。

輔

幹

烟霞曾是踏諸峰。翻作清歌笑玉鍾。幾代孫
經挑塢隔。千年壇憶華山逢。美才方赴鳴鶻
召。逸興何由稅駕從。我亦江鄉成阻_闕。西風

歸意浩然濃。

倚

先生家住翠微峰。萬卷詩書酒一鍾。壁掛葛
巾無客到。雲藏古洞有仙逢。溪邊晚釣呼鷗
伴。花底春吟引鶴從。只恐舊山歸未得。帝恩
朝夕露濃濃。

南仲

草廬高卧對千峰。白眼誰能顧萬鍾。及席不
因天子詔。藏詩未許世人逢。他年社稷勳如

立歸老烟霞志會從五柳一松應好在月明
空自結陰濃

感興復用鍾字韻戲呈同舍

忠臣

五年湘水聽霜楓長樂初間此夜鍾
遼鶴亦知華表在仙峯
猶許爛柯逢
蓬山道歲聊為戲
石室真遊久欲從
便擬作歌招隱去
人間得意不須濃

慎思屢以往篇見貽且俾屬和而衰

老困于強敵輒為詩以謝之魚簡無
咎文潛天啟

曹輔

鄧侯清骨如冰瘦少日文章苦用心賦罷吹
噓因狗監詩成傳誦到雞林
陽春白雪無凡曲
流水高山有至音
更唱自存三益友
老來衰病發長吟

漫興成章屢蒙子方寵和更辱贈句

輒用奉酬

忠臣

聲名詞藻競駸駸不負平生許與心鳴鳳有自
須諧玉磬野麋祇合戀雲林清新每喜羊何
和冥默初聞雅頌音不是南冠厭拘繫楚人
原愛楚風吟

未

在丘集
仍系筆

曹公長劍一杯酒鄧子孤雲萬里心神駿莫
辭觀馬鹿深沉天合寄書林禮闈聯事幾三
月詞客悲秋共一音獨有何郎詩思苦空塔
點滴伴清吟

奉報子方佳句

補之

曹子金門等陸沉吐年裘馬四方心撒傳白
羽從汝井詩寫紅巾遍武林兵甲胸中無敵
國。絲桐世外有知音相逢不飲何為者祇作
寒廳擁鼻吟

在信不能寄子胸中所懷論于兵甲

身處... 野橋... 隨岸... 架茅... 屋倚... 林修... 木落... 吟霜... 狖雲... 晴

張右史文集卷第三十九

同文唱和

慎思說家山之勝用其語得詩

肇

江清石磊磊野曠竹修修此地有茅屋我行
尋白鷗分留酒物色來往更風流相對黃塵
夢詩成擁鼻謳

忠臣

野橋隨岸架茅屋倚林修木落吟霜狖雲晴

舞雪鷗。山屏當戶列。瀑布入溪流。只合燕歌
唱。何因得蔡謳。

寄次張弟

忠臣

貓頭竹葉細。檀藥新筍如。掾日滿盤。寄語兒
童莫多取。未春從上萬餘竿。

肇

南山千畝龍蛇窟。半夜春雷起。屈盤欲釣六
鰲滄海去。為留春筍作長竿。
嘲無咎夜起明燈聰慎思詩 未

翠屏香暖秋眠穩。霜冷寶奩金錯刀。誰信苦
吟無睡客。挑燈起聽楚人騷。

和文潛嘲無咎夜起明燈誦子詩

忠臣

參橫月轉與天高。歸士飛心憶大刀。故作楚
吟排滯思。吟成風葉更蕭騷。

輔

秋風落盡千林葉。恰似并州快剪刀。香冷洞
房歸未得。一窻明月讀離騷。

奉答文潛戲贈

補之

倦遊年少憶安巢歸夢常慙斷織刀老去周

顛雖有婦黃經對幾夜騷騷

世平子游此未序甚何氏引刀
趙機曰君學去我功秋西斯機也

聲

鄧子詞鋒魯孟勞刺鐘剗玉畫鉛刀風流陶

謝技梧困擊節期君僕命騷

忠臣

拚老工詩恨不高苦心錯玉與龍刀正如天

祿秋風夜剔盡寒燈著廣騷

再謝周顛之句

未

烟飛小玉吳王國柳暗朱樓鐵甕城見說周

顛經案外亦聞荀粲并沐聲

忠臣

眼看秋雁歌汾水心到陽關唱渭城却被維

摩居士笑海潮音作斷腸聲

補之

秋日照歌淮上舫春花引醉福昌城何如闔

闔門西北臥聽秋風枕畔聲

小詩戲無咎

肇

吳山楚水未忘懷
暮雨朝雲恨已乖
縱免摩伽能毀戒
未妨澤室會于齋

忠臣

文書盈几法筵埋
香火秋來願稍乖
得似鹿門携手去
定隨綉佛鎮長齋

已未春與伯時較試
南宮同年被命者
六人今茲西館唯
同伯時一人而

已因書奉呈

忠臣

十載京師五校文
並遊多已據通津
再來更鎖城西館
點檢同年只一人

公麟

憶鎖南宮會友文
天梯相躡看雲津
白頭笑我成今日
青眼逢君尚昔人

中秋月

忠臣

寂寥無聲月停午
蟾蜍通津墮清露
明星爛爛銀河稀
美人熒熒隔烟霧

補之

秋風吹空雁旁午長天無雲月呈露為清
曉照清尊莫遣中霄生薄霧

輔

空谷秋寒同子午白月紛紛洗清露遙想燈
花結夜愁鬢金斗帳香如霧

與文潛無咎對榻夜話達旦

忠臣

書窓燈火夜深明窓外蕭蕭雨葉聲對榻不

眼談往事渾如五鼓過嚴城

未

燈花昨夜已分明更聽朝簷喜鵲聲明日朱
門開空館秋風駿馬大梁城

補之

踈林小雨月籠明商頌琅琅夜半聲鄧子弓
強殊未發欲馳桑本犯堅城

肇

窮秋天氣少晴明雨葉風窻夜夜聲應為幽

人聽未足不教驅馬出重城

時已春疏而御史不至留夕

張右史文集卷第三十九
初伏大雨戲呈無咎
未
未
未

張右史文集卷第三十九

張右史文集卷第四十

同文唱和

初伏大雨戲呈無咎

未

初伏炎炎坐湯釜。長安行人汗沾土。誰傾江海作清涼。玄雲駕風橫白雨。普陀真人甘露手。能使渴乏厭膏乳。且欲當風展簟眠。敢辭避漏移床苦。清貧學士卧陶齋。壁土墨君淡無語。翰林但解嘲苜蓿。彭宣不能窺歌舞。聯詩得句笑出看。策馬涉泥歸閉戶。牀頭餘撻

張右史文集卷第四十

定何嫌。意外石榴堪薦俎。

補之

逢山西鄰九軌路。三月街晴葉吹土。直廬鑿
牖面宮垣。青壁嶄嶄看垂雨。殿角風斜碧瓦
寒。翅濕蒼鳶不能乳。却思窮巷亦可憐。一掃
蚊虻通^{元音}窮苦。鬱蒸書課未須^忙怕。午漏客休聽
天語。平生豪氣對尊酒。山雞見鏡猶能舞。城
南寺近晚堪行。笙歌涼月閨千戶。但憂伏社
細君頭。割肉無緣俟歸俎。

表

火焚真金融作暑。南風無聲蒸厚土。省門下
馬不讀書。急掃藤牀卧聽雨。朝涼已覺飯有
味。紫盞新茶如潑乳。天工未嘗一杯水。已變
炎涼異甘苦。晁侯笑顧北窓竹。知君吟詩得
佳語。忽驚秋近梧桐落。未厭野潤商羊舞。快
洗晚空作晴碧。三更月華清萬戶。不怕泥深
滑馬蹄。更自無金謀燕俎。

肇

大明放朝官避暑。長廊脩脩絕塵土。漢家宮
殿。敬千門。紫閣拖雲洒甘雨。雷悒電笑洗蒸
鬱。蕩蕩青天滑流乳。憶昨三年田舍中。六月
正服農家苦。豈望生還直舊廬。得見張晁說
新語。初聽鈞天驟竊作。正似聲聞躍起舞。喜
乘初涼與晤歌。不憂庭潦墊垣戶。徑携斗酒
相就醉。更置雙魚充君俎。
汗流龜趺如吹釜。蟬飛空。蟻運土。眼看織
雲上太清。曾不崇朝八荒雨。金柔火老早太

甚。咀嚼冰雪如餵乳。豐隆列缺及時來。蒼生
解除焦焚苦。張俠不辭茅屋漏。倚柱長吟可
人語。愛君豪猛為君和。初撫劍歌終起舞。城
南酒壚醅新潑。不獨黃公當門戶。滿酌鴟夷
極歡酌。細摘園蔬供鼎俎。
突冷塵魚生甑釜。十年都城困風土。不辭揮
汗過三伏。敗屋怯聽滂沱雨。張侯作詩召清
風。渴讀如飲雪山乳。笑我形容太瘦生。我亦
悔前用心苦。晁子迭唱亦起予。兩人終日同

堂語。奈何拘學技藝窮。跛鼈欲趁驪駒舞。魁
然圓腹貯文史。朝來氣爽寬酒戶。為君急置
撻頭餽。縷翠霖紅落雕俎。
神龜不識烹魚釜。生潛深淵長黃土。誰令誤
落魚網中。白晝冥冥作雷雨。嗟予情然別舊
隱。空巖無人滴鍾乳。松菊滿山胡不歸。願同
妻子忍攻苦。長歌漫漫何時旦。起坐終夜私
自語。茅茨十九漏如澆。誰知華堂醉歌舞。山
中吾廬歸去來。峰插翠玉朝南戶。注目操刀

必割時尸祝。何煩越尊俎。

蕭峯

城中鼎食排翠釜。羊胛駝峰賤如土。青衫學
士家故貧。斗粟束薪炊濕雨。縱橫圖史照屋
壁。咕囁詩騷從推乳。省中無事騎馬歸。雨聲
一洗茅簷苦。意呼南巷同舍郎。聽我臨風有
涼語。且貪青簡事文章。未有黃金買歌舞。往
來詩卷牛腰許。太羹玄酒並在戶。吾詩老澁
邀使前。改坐可口收艱俎。

次韵上文潜

肇

張侯胸中包覆釜。百里奔流無寸土。玄蛟白
鼉有時作。一洗乾坤三日雨。詩雄變怪有如
此。震動猶能止啼乳。已傾太白酒缸空。更壓
少陵飯山苦。昨朝東門同拜勅。玉齒猶殘道
中語。閉門十日無一事。坐對空庭秋葉舞。何
時御史出霜臺。便假前驕辭棘戶。城南邀我
倒餘尊。紫栗黃橙已登俎。

答天啟

未

黃鐘無聲登瓦釜。蔡子青衫在塵土。逼人瘴
氣百步寒。知子胸中有風雨。三年河東走胡
馬。絕口魚蝦便酪乳。歸來萬卷付一讀。不覺
兒曹用心苦。周瑜陸遜久寂寞。千年北客嘲
吳語。莫徒彩筆雲錦章。要是寶劍蛟龍舞。天
兵百萬老西北。快馬如飛不出戶。看公大毒
出麒麟。走取單于置刀俎。

和天啟贈文潜

補之

蔡侯飽學困千釜。濯足清江起南土。放談頗

似燕客雄快奪范睢如墜雨。東城擒羽未足論。拍直何為口方乳。蔣侯小中伴香火。三年不厭長齋苦。平生豪偉有誰同。要得張使三日語。晝閒那自運甕忙。時清不用聞雞舞。桓招榮懽喜見車馬。書冊辛勤立門戶。要當食肉似班超。猛虎何嘗窺菜俎。

再答

羌兵昔出蘭臯路。欲鏹新城無聚土。烟烽照夜氣如霞。鐵馬連群散成雨。東西兩閨同日

破。股掌嬰兒絕哺乳。鼓聲十日拔帳歸。至今猶說防城苦。當時諸將無奇功。不敢擊弓向胡語。橐駝西來金帛去。孽狐小鼠猶跳舞。王師八月盡防秋。惴惴軍興恐編戶。腐儒不用輒憂邊。廟堂有人制樽俎。

呈鄧張晁蔡

輔

都城薄祿纔三釜。白髮朱衫污黃土。九人同日鎖重闔。一夜濤聲卷秋雨。投身雖喜豪俊窟。刺手如逢虎方乳。鄧侯相逢十載後。清骨

巉巖詩思苦。張晁自是天下才。黃卷那同聖
賢語。蔡子彎弓欲射胡。拔劍酒酣時起舞。何
當連袂上霄垠。速致時康門外戶。病夫行炙
老江湖。尸祝安能越庖俎。

幹

可畏日輪如赤釜。賴有群仙司下土。稍從寥
廓躡濃雲。旋向塵埃洒甘雨。松羅既女更施
澤。山木欲童俄得乳。馬牛暫息要途勞。魚鼈
頓舒炎海苦。野鶴那虛屋上鳴。穴狸不繆山

中語。清風豈假白羽搖。輕汗寧沾翠綃舞。已
憐爽氣滿襟袖。更喜餘霞照庭戶。後朝便是
閨英才。為指幘幪設千俎。

次韵呈文潜學士同年

子文

才堪斗量君獨釜。年少登瀛脫塵土。重闈幾
日鎖清秋。酬唱新篇亂如雨。讀書相逢十載
前。君家酥酪和腐乳。晚將哀颯奉英游。漫記
雪窓邀夜語。平生意氣杯酒間。我醉狂歌君

起舞。即今頭白老青衫。但期教子應門戶。燕
頤從來骨相殊。看君鼎食羅五姐。句少二

用姐字韵呈擣年 肇

墮灶一言能破釜。魔界掃空成佛土。鍾山道
場天所開。萬壑千巖沒華雨。白衣居士演真
諦。江海滔滔流法乳。自從玉髻飛上天。妙緣
誰救諸有苦。我昔南行入定林。水鳥松風能
妙語。六時天樂綵雲飛。百丈寒江翠綃舞。此
地知君能著力。雷作彈指開壑戶。空山蕙帳

盡思歸。秋末晚菘行可姐。

次韻天啟戲為禪句之作

幹

一片木柴投向釜。不是知音色如土。道途謾
用運三車。根性終然脊一兩。相逢倘獲個中
人。涓滴何辭北驢乳。善才童子天臂奇。拋官
遠遁修行苦。果向北山曾遇人。便解捐書尋
妙語。而今晚却七斤衫。相見山山惟作舞。秋
闈何幸相握手。未厭夜深來叩戶。莫愁客至

將何待。困有眠床。饑有俎。

上呈子方鄉丈

天啟

西方殘虜魚遊釜。往歲天兵收境土。軍行旱
海口生烟沙。井無泉。天不雨。將軍意氣吞八
荒。欲入涼州。傾馬乳。堅城不下河。未冰幕中
稍覺從軍苦。曹侯獻計取東閩。帳下選鋒同
此語。歸來寒色侵鬢毛。聯翩始闋交衢舞。不
學行間安校尉。盡斬孫歆封萬戶。人生富貴
有危機。毘肩不顧加雕俎。

次韻答天啟

子方

天兵連營十萬釜。烈烈威聲震西土。崑崙月
窟掃欲空。豈止斯民被時雨。賀蘭狡兔遁三
穴。黃口嬌雛未離乳。臨機一失挫鉞鋒。誰顧
忠言如藥苦。吾鄉蔡子喜談兵。早歲曾過問
戎語。逸才自擅鸚鵡脚。高韵仍為鶴鶴舞。方
畧應涓敵萬夫。徒擊韓嫣笑當戶。政宜弱冠
請長纓。條取單于置高俎。

曹子方用釜俎字韵賦詩見遺予泊

張文潛晁無咎蔡天啟因以奉酬并

示四友

忠臣

長愛陳思咏箕釜幾年不見徂南上揭來相
逢翰墨場夜窓共曉空階雨躍馬蔡卿能齧
肥好書張侯期飲乳晁令知從博士逸智囊
不厭傳經苦於茲邂逅如夙契曷我叨勞動
晤語詩成乍變龍虎文筆落更驚鸞鳳舞我
將隱適山林安公等整頓乾坤戶分同尺鷃
搶榆枋難伸犧牛登鼎俎

卷終

張右史文集卷第四十一

同文唱和

欲知歸期近呈天啟

未

欲知歸期近屈指不滿手豈無兒女心情此
良邂逅蔡郎吾未見心已想雄秀那知風雨
夜聽此龍劍吼八荒一驥子萬馬空去廐鐘
山淨名老為子不惜口頤聞國士為固自君
所有唯應功名地他日容老醜

肇

欲知歸期近。朱墨復在手。出門豈無時。官事少邂逅。張公晚定交。十仞仰森秀。華堂耿青燈。夜半獅子吼。真龍服內閑。爽氣凜辟廐。新詩陳五鼎。斟酌皆可口。光華委行色。於我亦何有。絨藏不知報。刻畫無盭醜。

忠臣

欲知歸期近。得得復攜手。振垣隔華省。明日難邂逅。作者六七人。崢嶸竦神秀。藏塾神虎姿。風雲即騰吼。嗟予自遲暮。老驥伏閑廐。奪

珠不量加。攬臂犯牙口。平生辛苦行。何足為已。有政似逢毛嫵。歸增孟光醜。

補之

眉山見張俠。心許出一手。臨川得蔡子。千載懣邂逅。鄧君起南國。磊磊看三秀。譬如黃鐘陳。我尚瓦釜吼。欲知歸期近。喚馬牽出廐。官醪持餉婦。傾寫僅清口。千章輸明堂。勿問草澤有。群公自凜凜。水鏡照妍醜。

考校同文館戲贈子方兼呈文潛

補之

二十年来曾子方。新詩曾見未能忘。多才善
詭稱物芳。吳娃席上呼作郎。督然何許歲月
長。只今未老毛髮蒼。自言逢掖非昔狂。傳經
華陰夫子堂。何曾騎馬身挾鎗。詔隨上將西
擊羗。董蒲跗注謂我藏。夜行馬嶺饑無糧。鼓
鞞驚谷騎卷同。吏呼馬微醉在床。前鋒奄至
靈武傍。中堅不後無敢驤。城開三日牧蔽隍。
百馳載筭于橐裝。旌旗立壘烏鳥揚。還軍不

省一天亡。坐師無獲勞不償。鏡歌入奏虛錦
囊。秋風鱸魚思故鄉。鏡頭宜董鶴鵝行。得官
猶領萬鷗鷖。王城對巷如參商。那知連月居
茲房。稱多量少非我長。群公古鏡懸秋光。閉
門飯飽庭葉黃。秋盤登鬼官。耐香吳音訛變
雜秦涼。金壺老柏笑覆觴。淹留平日夢我翔。
得君可樂殊未央。人生傾蓋何所望。結交松
栢要冰霜。中天號出玉璽章。青駝御史騰康
莊。歸期屈指未可忙。聞君况有夢池祥。生女

不惡嫁却墻。掃軒留客具酒漿。與君更約城南張。

忠臣

五年坎壈哀南方。江湖魏闕兩相忘。洞蘿巖
桂寒孤芳。月潭風渚儔漁郎。單闌孟夏草木
長。望都樓觀鬱蒼蒼。忠臣癸亥六月以家報
去國丁卯四月還者
誰令焚艾辭楚狂。復來上君白玉堂。黃門戟
曜羽林鎗。未央引藉班胡羗。雲屯錦膊馬斯
臧。大官日膳瓊馬糧。追隨威鳳鳴高岡。豈敢

偃息復在床。投銘歸休下殿傍。衛士傳詔來
如驤。館外閭闔西城隍。書臺迫遽不及裝。籲
俊士集要言揚。得弓勿問何人亡。趙璧既入
秦城備。穎脫喜見錐幽囊。同人于野不擇鄉。
我我羽翮整顏行。天閑玉勒皆驕驩。伯喈懷
贖望金商。天啟魁梧竒偉值文房。文潛家令
數術應帝玉。無咎三英粲粲日爭光。我輒與
之較雌黃。芳菲滿室蘭生香。坐堂月久秋氣
涼。將軍思歸歌撫觴。子方倚榻日送雁南翔。

想見葭茨水中央。洞庭河漢遠相望。香楓葉
老赤染霜。感慨少日七步章。長安城西約鄭
莊。子與子方無咎文牽率不往有底忙。人生
可意皆吉祥。快馬劃過小苑牆。入門爛醉銀
餅漿。秦箏趙瑟喜高張。

次韻無咎戲贈魚呈同舍諸公

輔

少年落魄走四方。看山聽水興難忘。深林誰
復知孤芳。十載江湖稱漫郎。紫溪風月幽思

長。綠水如鏡烟蒼蒼。追隨豪雋多清狂。春風
爛醉胥山堂。下瞰群峰聳如槍。吳儂掉歌笛
弄羗。攀蘿捫壁疲獲臧。經旬選勝行齋糧。客
兒經臺倚高岡。共卧明月吟胡床。投身忽落
崑崙旁。征西方馬隨騰驤。官軍夜半填賊隍。
食畫師老催歸裝。將軍數竒謾鷹揚。斬捕不
能酬。失亡。曲突徙薪語莫備。幕中病客非智
囊。扁舟夷猶憶吳鄉。晁侯平日丈人行。生駒
今始見驕驕。伯樂一盼過老商。恐是稟質蒼

龍房九工吳語放降王。叔敖抵掌對燭光。秋
英落盡金鈿黃。玉甕浮醅澄異香。九天廣樂
來新涼。笑談聊此共一觴。天街六翮將翱翔。
正值羿殼遊中央。我老妻翅無復望。洞庭摘
熟千林霜。行當拂衣解銀章。買取百花洲畔
莊。世外日月何曾忙。翛然一室生吉祥。車馬
還能過我牆。夜具茗飲與蔗漿。更看君詩雲
錦張。

用無咎學士年兄長韵上呈子方太

僕鄉丈

肇

西河郡縣淪西方。西人思漢今未忘。果園蕪
沒白草芳。靈州乃赫連
勃勃果園旃裘戲馬誰家郎。車
箱峽口澗谷長。旄頭倒掛回穹蒼。王師西出
討獠狂。六花簇疊來堂堂。前鋒銳頭臂兩槍。
伏奸謹索收生羌。天聲隱轉搖姑臧。奇兵繚
背斷饋糧。決河有聲如壞岡。城頭擊鐘聲殷
床。萬甲幾欲漂無旁。雖有伉健誰騰驤。一夫

不敢陵彼隍。馬首欲東從。歸裝織胸有。策鬚
眉揚歸來悅。悅若有止。劬勞有日。何由僭戰
鞞。挂屋尋書囊。日隨飛鴻思。帝鄉彭城老將
官橫行。幕中市駿收。驕驩射堂兩。部奏清商
應弦破。鐫如蜂房。劉涓州射為天下第一笑談斥土羈
名王。畫圖遣秦朝。明光詔書留。典真乘黃錦
鞞。玉勒春風香。平池老柳高。雲涼神駿在。目
豪吟觴。跨下蹀躞驚。鳧翔皇居九。衢天中央
我時項背聊相望。西城九月天。隋霜夜談閑

寒評文章。微言竊比惠與莊。和詩脫筆覺我
忙。祝君福養壽且祥。功名有未成。堵牆勿憂
寒暑敗肉漿。張弓箠天用則張。
無咎兄贈子方寺丞見約出院奉謁
復用元韻上呈子方兼答無咎見及
曹侯驥骨雙瞳方。流沙萬里不能忘。讀書故
山蘭蕙芬。咳唾不顧尚書郎。參軍朔方試所
長。奮鬚決策服老蒼。願得一索縛狡狂。凱歌

揮馘獻明堂。黃河東岸萬旂搶。義渠竟失先
零羗。坐師失律無否滅。但恨不取東閩糧。黃
君詩力回魁岡。十客未得一登床。携君秀句
展我旁。草書紙上蛟龍驤。謂我君舍城東墮
鞞。來長嘯棄軍裝。載酒欲訪乾乾揚。休日出
門如闕亡。坐令耿耿朝莫償。紫衣宣詔襍被
囊。獻書貢士學與鄉。羅庭充屋書萬行。風鬣
霧鬣簡驕驕。考評唐虞論夏商。相遇近如蜂
隔房。君家八斗陳思王。千年門戶有輝光。任

城健將擗洎黃。猗蘭之苗不改香。家人寄衣
秋晚涼。滯留華館付杯觴。天高月明新雁翔。
明燈高談夜未央。屈指計日引頷望。來時汗
流。今雨霜重門事嚴。御史章。賴君諧捷解色
莊。還家有日未用忙。眉間黃色是何祥。晁侯
約我走門墻。但無閉閣休餽漿。莫以獸微弓
弗張。

如决瀆萬仞岡。大編小軸山壓床。城南買屋
君舍旁。疲駮日附驥尾。驤我慚味道。由四隍
人如燕。宋初束裝。聽君雄辨。神揚揚。却思得
一愁。十七。鄧侯韞櫝。價不償。有方未試。聊貯
囊。起家牛斗。玉筍鄉。鴻騫早入。鵝鷺行。和鷺
未齊。要驪驕。一鐸便足。諧宮商。知君雲壑。有
松房。南行未報。心霸王。玉池復說。夜有光。仙
人藏丹。金鼎黃。願分神瀆。洛谷。非我其人
慙德涼。蔡侯發迹。江澨觴。閉籠祇欲。擘海翔

此公事業。渠未央。六奇他日。我所望。烏號張
月刀瑩霜。裂五單于。加印章。穰苴可。但虛斬
莊。遭時立志。未可忙。白擗得。馨寧非祥。嗟予
企踵不及。墻逢君如渴。御瓊漿。怯雖如鼠。猶
膽張。

次韵無咎来韵。抒寫素懷。魚呈文潛
天啟伯時仲達 忠臣

梁宋吳楚。各異方。交情一契。不相忘。况乃顏
色瓊技芳。石渠金馬。從諸郎。我從瀟湘。烟水

長。江湖飲見山色蒼。扣舷弄月浩歌狂。竭來
濫吹談宗賢堂。儲胥乍駭綠沉槍。擊鼓震龍營。庸
蜀羗。爰居受享謀非臆。悔辭卑飛班竹同。終
日懶拈書繞床。故山秋菊莫可報。西風夢挂
南斗旁。翠蚪絳螭交首驤。坐看樓闕照天墉。
壯心鬱律軍騰裝。弦弓卧甲氣不揚。揮斤欲
斲獲人亡。劍價倚待風胡儻。雲間邂逅得智
囊。洞庭釣天奏帝鄉。慷慨奮擊萬天行。天路
滅沒飛驪驩。張侯同聲羽應商。蓬萊方丈屋

連房海口濶。翻議百玉太。一下照青藜。光要
我挾槩弄鉛黃。四庫顛倒翻芸香。蔡卿自來
安西涼。慨慕玉閨歸獻觴。同官李柳並翱翔。
鸞和節奏聲央央。誰其力薦慰所望。九閭白
日無雪霜。垂光虹霓急草章。沉真清遠兩蜀
莊。人間勢利本不忙。麒麟獄鸞國珍祥。每恨
官隔西掖墻。可使簸揚挹酒漿。不似箕斗舌
虛張。

次元韵奉酬慎思學士年友

公麟

君家祝融水一方。平生書聞食可忘。雲河漱
潤。搴瑤芳。天帝壁府。讐書郎。馳騁千載凌子
長。神清骨秀。顏色蒼。書淫傳癖。笑興狂。十年
此會同。都堂上。樓吟春。碾旗槍。詩筒吳歛。磨
楚羗。一律校文公。否臧。日飽大官。沆瀣糧。朱
鸞入網空。南岡。賢書奏牘。紛滿床。朝出粉闈
暮帝旁。駸駸天路。群龍驤。病鷗跼立。乃汗隍。
白雲隴。望因依。裝放歌長林。聲激揚。佩蘭思

馨。雖明亡。雲出鳥還。聊自償。羽扇塵尾。隨經
囊。龍眠。乃是無何鄉。朝遊不亂。麋鹿行。歸卧
展圖觀。驕驕。憲會頌。古時歌商。徜徉興罷。往
雲房。焚柏翻經。寃法玉。冉冉暗度。歲月光。山
頭草青。還葉黃。洞明已死。閑骨香。此志未就
嗟涼涼。親顏向白。每稱觴。旨甘鞭後。難翱翔。
竭來竊食。天中央。古人千歲。空相望。同文鎖
密。御史霜。得公再集。評文章。亦說種松。輞口
莊。使我夢蝶。栩栩忙。便欲負郭。占農祥。開門

倘容倚孔墻。想挽北斗下挹漿。筮篔篹更對高
秋張

次韻呈慎思學士

子文

咸韶漢武來何方。鏗鏘入耳安能忘。陽春蘭
芷秋菊芳。金門詞客青袍郎。昭回下燭光。焰
長。深山大澤龍蛇蒼。浩歌激烈元非狂。正逢
聖主開明堂。風烟閉塞收旂槍。舞干兩階臣
戎羗。喋血拓境謀非臧。邊城夜行休齋糧。採
詩不復嘲青岡。蚺蜥戢羽成婦床。移文北山

猿鶴旁。渥注朱龍兩服驤。胥靡版築罷浚隍。
白環措天貢篚裝。航海百里風帆揚。犬羊種
落嗟存亡。諸蕃蕃入學願可償。槐花舉子促書
囊。戒均盲士昏登鄉。東門宣詔扎十行。我慙
駑駘追驕驍。何敢望回不及高。毛遂未至空
連房。賴有墨妙江都王。傳摸共分此日光。驛
留綠驃兩耳黃。想見蹙踏披天光。坐覺暑退
秋堂涼。拘孿齷齪漫引觴。門外烏兔雙飛翔。
悠悠逝川東未央。故山魚鳥空相望。鄧俠意

氣摩秋霜。朝吟百篇。暮千章。駢羅經史。貫列
莊。落紙但見書吏忙。孔鸞羽儀。各効祥。鄙夫
不學空面牆。先餽不用驚。五漿。烏弓要酒。肯
育張。

次韻奉酬無咎兼呈慎思天啟

未

平生結交圓。納方。過眼千人八九忘。畹蘭畝
蕙。幽谷芳。懶隨家奴諫。五郎苦饑。方朔身漫
長。顛毛種種顏欲蒼。誰謂勝癡。端坐狂。清淮

之陰一草堂。列筆成陣。茶森搶絕口。平戎與
破羗。百年如此計亦臧。何用竊食官倉糧。立
黃病足畏高岡。但願縮頸老支床。煌煌東璧
日月傍。神仙鸞鳳爭騰驤。萬書落架成覆隍。
牙籤如雲丹碧裝。晁侯再作班與揚。正始故
在何曾亡。江湖十年願飽償。夜成七發光出
囊。蘇公後出長卿鄉。為君吳都無一行。蘇翰
欲作
杭州賦見無咎抗
州七迂乃止。世有伯樂生驕驕。肯使弭耳隨
藍商。鄧侯楚山深。閨房名走上國交。侯玉朝

隨日影夜燈光。包攬今古窮炎黃。吐詞分葩
有國香。近君如雪六月涼。又似心醉醒。翻觴
東南蔡子名飛揚。同隨天書拜未央。瑰竒宏
傑萬夫望。頰牙凜凜有風霜。文如神鼎爛龍
章。鍾山長齋讀老莊。論兵說佛兩俱忙。不夸
得硯字。文祥。但願破敵如顏牆。我窮乞酒更
得漿。眼看三虎爭雄張。

贈天啟友弟

桑弧逢天射四方。嬰孩立志長可忘。莫學兒

女謾弄芳。豪氣當視交何郎。邊城入望千里
長。臂鞬時架角鷹蒼。搏捷仍放韓盧狂。齧鷄
日暮隨登堂。往來絕藝精飛搶。余勇猶足吞
頑羗。讀書誰謂穀勝減。盛時萬鍾遠餽糧。水
輸長川陸登岡。垂弓在囊弩在床。蔽扞入陣
牌居旁。天馬馴工披甲驤。受降濟築修城隍。
刀頭不惜千金裝。三十六將皆鷹揚。故境可
容_{五尺也}。及_也。止。才可自負當風儻。况復武庫踰書
囊。惟我與子舊同鄉。友生固自勝雁行。更欲

揚鞭向驕驕。豈但傳經如卜商。不見漢時張
子房。身纔六尺。佐時王。功業能依日月光。素
書一卷。初逢黃。異時破賊玉書香。當使相繼
來西涼。時臣稱賀。持壽觴。鴻鵠一舉。橫飛翔。
光陰應須及未央。不侯可忍。點鬢霜。少年天
子坐建章。寵侍穰。直不顧莊。嚴兵待時。雖未
叱。黠虜投首。先有祥。王師會看傳城牆。郊迎
父老。携壺漿。去病當時。凱樂張。
此首腹聖主一節

次韵上呈携年主簿鄉兄

肇

君家晉陵我朱方。居家易知復難忘。十年不
見蘭畹芳。青衫翩翩黃白郎。我遊東南歲月
長。江流洶湧山鬱蒼。燭龍東來尾鬣狂。烏爪
真人坐高堂。山中旂剌森戈槍。道場法嗣通
衡羗。大道甚夷。車御蹶。獨不進步。誰肯糧。脫
身簿領行澗岡。青崖結茅雲繞床。飄飄西陸
梁。宋豪至今夢想猶高驪。矧復約子西城隍。
瓦爐梵夾隨行裝。形骸土木神遠揚。少狂豪

氣今則亡。劇談軟語志願償。摸寫佛像揮錦囊。樽前坐我烟霏鄉。憐君駸踰未看行。側身六合悲驕驕。即今文學科卜商。赤刀大訓在西房。詔書興賢利賓王。重閭共此燈燭光。肥羊細肋蟹著黃。芟蒲生白晚菘香。落月動影簾帷涼。夜如何其未卷觴。座前詩陣鵝鶴翔。卧旂蓄銳豈遠央。我堅孤壘何敢望。降幡欲掛月似霜。獨居一掃可得章。滔滔筆力抵卞莊。兩虎未捽終不忙。蜘蛛拂面歸有祥。便看

大榜掛北墻。南城西寺載瑤漿。背城借一猶能張。

次韵贈無咎學士

肇

毗陵城如金斗方。往事歷歷那能忘。相逢童子佩蘭芳。秀發人指誰家郎。未幾重見突而長。即今不覺秋蓬蒼。戲笑豈復為兒狂。追昔宓子初登堂。辭鋒峭拔森刀槍。器識沉遠包夷美。陽秋寧肯露否臧。有子遊學先聚粮。相將百里陟岵岡。邂逅一抱坐僧床。大辨傾注

如無旁。天馬方謂先。騫驥觀魚誰復駐。濠隍
瓜期受代垂超裝。當路奏牘文稱揚。行將超
擢奄云亡。生會志氣不得償。傳家豈詫錢一
囊。諸兒經行名州鄉。挾書繼踵諸文行。旋見
天街飛驪驪。論治直要超周高。術卑效淺笑
杜房。况是陰運遭興王。致君紹祖邦家光。何
止追考歸焚黃。明庭朝露翻芸香。異書滿閣
秋氣涼。詠歌間成隨立觴。讀之如欲凌雲翔。
暫透大手離未央。挈篋來寄深閨霜。宿興賢

能視文章尊尚周。孔摩韓莊搜奇殆有通。夕
忙。英游疑動聚星祥。我歸復翳環堵墻。世味
已能如飲漿。義皇上人琴一張。此有脫字一初

次韵擣年見貽

補之

平生車軌周四方。結交童叢老相忘。異哉余
子久彌芳。吳人猶記稱周郎。河豚入網荻牙
長。宜興罨畫烟水蒼。風雩春服真少狂。時王季父校不愧
教以擣年而品後戴崇升後堂。橫戈筆陣倒千槍。擣年春筵開封第一獨步禹
幽羗。世儒膠擾何足臧。說食不救飢求糧。督

思振衣千仞岡。空林無人一繩床。五車純束
不在旁。欲徹梯磴排空驤。鍾山春水遠城隍。
從師不憚白笈裝。天鋒相觸塵不揚。驪黃牝
牡若滅亡。子嚴主簿志不償。厭見朱墨紛僉
囊。西風雲日思帝鄉。東華拜勅鳧鵝行。黃昏
閭闔飛驪驕。虛堂節候變金高。閉門蟋蟀鳴
我房。吾君仁聖周成王。屏驅虎豹開明光。山
龍扮米雜青黃。多儒可贊至治香。園擅山石
豈荒涼。潢汙蘊藻涸豆觴。願君與借羽翮翔。

賢書蚤列升未央。君如病鵲待秋霜。牛衣未
可悲。王章公朝道闕五達莊。服衰按節緩勿
忙。夢松生腹渠不祥。莫車上僂應循墻。功成
歸飲沆瀣漿。發機要若黃閭張。

此首脫望字一韵

張右史文集卷第四十三

表狀

進大禮慶成賦表

臣伏見

皇帝陛下即位以來事天治民虔恭豈弟光
被四表格于上下雖太母保宥一遵聖訓而
仁厚之誠不言而孚乃者肇見天地寶
陛下即位之初御內自臣工外達海宇於以
觀神人感格之際占信順獲助之驗前祀二



日陰霰暮集俄而氛禋廓清星月明潤將事
之夜風伏不興景氣晏溫圖穹清明神祇來
格於是乎在凡執事在列之臣與夫侍御奔
走之謀喜動乎容和見乎聲記曰福者備也
備者百順之名也天既順之備孰甚焉帝之
來格見于天時祭之受福見于人情臣幸執
筆待罪太史實奉祝冊天威咫尺親見齋莊
粹穆之容陟降拜俯誠敬兼盡臣竊喜太平
之必至多祥之必集四方之民受福不疑奸

宄作慝不禁而息謹撰成大禮慶成賦一篇
隨狀上進雖不足以追配甘泉河東之廣天
盛麗然大馬之愚庶以自竭伏惟清閒之燕
略佇覽觀干犯宸嚴無任激切屏營之至
代文路公辭免明堂陪位表
合宮備禮方藏事于季秋列位侍祠尚不遺
於故老仰恩榮之優異循哀瘵以戰兢伏惟
太皇太后陛下聰明自天博厚載物左右景
命已大濟于艱難保宥神孫既聿濟于齊聖

長安文獻堂卷之三

七

臣中謝

邦家庸靖。邪正昭明。頌德告功。既對天而不
怍。隆降禮備樂。念報本之惟時。當魚麗之時。而
物既盛多。由思齊之聖。而神無恫忽。恫擁絕禱
於二聖。肆大賚於萬方。曠古上儀。于今盛典。
臣久辭屏著。退伏里閭。覩聲明于垂盡之年。
受愛德澤于惟新之政。顧餘齡之已幸。矧台節
之見臨。是宜策勵。造朝齊明。就列而哀。朽之
質。登降畏失容之誅。疾病之全。餘道有負薪之
懼。與其失周士在朝之敬。不若同堯民擊壤

而歌。文物莫瞻。夢有鈞天之想。精神未已。心
為魏闕之遊。臣無任

代文潞公辭免明堂加恩表

禮行郊廟。方推報本之仁。燕及臣鄰。皆獲增
封之錫。恩雖緣於有慶。賞亦慝夫無咎。惟是
衰殘。尤為冒昧。臣中謝伏念臣朴忠一意。際會四
朝。超躡等夷。出入將相。泊老休于鄉社。已位
極于師垣。何期垂白之餘。復相繼明之運。空
心半朽。久自分子。不彫于里。已疲異時。資於

辨通而歲月逝矣。補報缺然。唯知愧懼之無容。夫何思禮之厚。加肆時大享。茲謂上儀。方天子致齋。莊之嚴。而老臣私宿衛之逸。雖聖朝尚齒。唯所便安。而寵數非常。更為憂懼。已足於榮。予在位。豈當同衆。以疏息息。皇帝陛下。時軫睿慈。俯迴神鑒。必欲寬殘年之殞越。莫如裁今日之寵光。耄已及之。雖終知其無補。天其或者尚假息于餘齡。願止已行。庶無太甚。臣無任

第二表

加地無名。方抱戰兢。而莫處措。天未荅。蓋緣誠確之罔孚。盡而腹心。再干旒宸。臣中謝。臣聞事君盡禮。而臣獨無趨拜之勤。陳力就列。而臣久涉衰殘之境。兩無一可。雖聖主曲為之優容。日加三思。顧國士如何。而稱報。惟有稍裁其寵數。庶幾未即於顛。濟而恩禮增繁。光華沓至。既紆勤于齋祭。又申錫其土田。高已近危。將必憂于隕越。折而致覆。亦何益于生。

成伏望 皇帝陛下垂德乾坤收恩雨露賞
行四海當酬可勸之功職備上公豈憂不及
之祿實思危于居位非受爵以苟辭臣無任
謝得請表

不能與祭自憐衰老之無堪周俾造朝更佩
恩榮之從欲內循安便未免驚慚臣中謝伏惟
皇帝陛下龍德光亨天仁覆露牲玉備物允
若神人之和同禮樂在廷肅然祖考之來格
祭則受福天且弗違臣猥以殘年莫瞻盛事

雖行不俟駕在常禮之有誅而老弗及齋知
異恩之獨厚第想光華于天漢竊同歡抃于
里閭臣無任

代張文定辭免明堂陪位表

明德惟馨方格神于盛禮相予肆祀俄賜韶
於老臣衰朽知榮兢惶靡措臣中謝伏惟
皇帝陛下隆聖統躬致太平翼翼文王之小
心烝烝虞舜之大孝季秋順序方萬物之盛
多四方和來加多士之奔走祇見列聖哀對

異亨。敬布政之法宮。大明禮樂。受丕天之景
既均。被通遐喜。交神人慶。浹夷夏。凡執事。遵
豆之末。或觀光興與隸之間。足為至榮。可以無
恨。而况臣猥以屏退。尚叨記存。溫詔在門。外
庭有位。固願聞舜韶。而率舞。瞻堯日以傾心。
而遲暮之餘。衰疲且久。筋力已消。于疾病才
冀盡年。踈野久放。于田間不足為禮。當千歲
之接統。自滯周南。奉半夜之受釐。莫趨宣室。
無階策勵。惟劇飛馳。臣無任

謝太皇表

稽留君命。敢求免于刑誅。惠養先臣。不使勞
其筋力。仰膺私之從欲。撫哀志以知榮。臣中謝
太皇太后陛下。百子從無疆至仁在上。神孫臨祭。知保佑
之聖功。多士克庭。見肅雍之盛德。恩及草木。
喜同天人。臣幸以餘齡。獲逢盛典。雖遵豆駿
奔之事。徒有心哉。而禮樂大備之時。為後死
者。豈其偶爾。尚足於榮。

代范相讓官表

不俟駕行。既已驅馳而至。疇若予采。復膺考
慎之求。在明主圖舊之意。則深於愚。臣陳力
之義。則過。中謝伏以二理聖求治。歷年于茲。忠
厚之澤。足以傳之無窮。仁孝之誠。固已格于
上帝。守此成憲。底于太平。加以左右輔弼之
臣。蓋極老成。俊乂之選。何圖次輔之虛位。乃
復召臣於守藩。茲蓋伏遇

皇帝陛下。廣度兼收。至明洞照。察其疲駕之
不連。速出于悃幅之無他。意其先之數教忠。恐或

老而更事。責以來效用之無疑。上副春求。敢
愛竭盡。而臣伏自深念。固非飾辭。形骸已衰。
心力隨耗。雖輔相重任。不欲舍其舊。而圖新。
然衰疾交攻。豈期老將至。而髦及。雖至仁之
曲被。顧公議之。謂何。豈無巖穴待詔之賢。朝
廷委質之參與之圖國。足以格天。而臣已試
之效可知。將老之誠。彌切。不能就列。辭敢避
于再三。因是得人功。猶期于萬一。臣無任

謝宣賜曆日表

在昔哲王德暨鳥獸魚鼈肆時治古曆象日月星辰既推步以授人時又協正以觀候度惟盛朝之稽古蓋列聖之在民臣中謝皇帝陛下聰明憲天仁厚愛物順帝之則既先後而不違使民以時無困窮之失所顧茲寒暑之節實惟衣食之原以臣職在承流思叨頒刑敢不推風化之有本窮勸農耕顧眄臣無任之無知孰原帝力臣無任謝欽恤刑表

歲舉舊章雖謹有司之職詔頒列郡實皆天子之恩臣中謝恭以聖人之於物蓋本好生哲王之用刑物初非獲已方天時之炎燠憫罔罔之係纍渙發德音卹及民隱伏惟皇帝陛下哀矜庶獄明慎用刑內修百度以肅權綱外推至仁以惠黎庶下念狴牢桎梏之苦必使飲食沐浴以時君恩及斯民命何有臣職當賦政責在承流雖未能裨聖代之措刑必使無訟而篇竊慕古人之為獄自以不

寬臣無任

謝明堂赦書表

伏以崇宗祀於明堂既盡寅恭之志大賚於四海徧覃在宥之仁凡出照臨悉陶惠澤臣中謝恭惟

皇帝陛下堯仁若日舜孝格天法度脩明既聿迨于先烈號令寬厚已深結于民心肆時大享于合宮是謂嚴親之盛節禮成有慶既賚予于善人德及無疆將陳常于時夏興哀

多罪囹圄渙然一空頌錫六師忠勇為之十倍丕冒出日罔不嚮風洪惟盛朝集此熙事臣職司牧養責在承宣敢不撫陛下可封之民鎮以無事布陛下惟新之惠期在措刑臣無任

黃州謝到任表

准告罷管勾明道官落職添差監黃州酒稅管務者臣已於今年三月到任管勾訖伏以矜其多病祿之仙聖之祠誅其積愆斥之寬

摧之任。雷霆既震。螻蟻曷逃。罪大責輕。感深涕涕。隕臣中謝。伏念臣粗初親翰墨。篤好文詞。曾未窺其藩牆。妄見稱於流輩。浸蒙寵祿。頗躡等夷。久讐中秘之逸書。與記漢家之故事。入侍帷幄。曾未歲時而疾病侵陵。精神疲耗。一辭螭陛。兩換虎符。茂聞報政之能。徒幸養疴之便。投閒置散。於分為宜。號寒啼飢。其窮已甚。方大明于淑慝。固無道于誅夷。唯是幸齊安。近在淮右。雖薄加于黜削。乃猶即夫便安。非大

明之燭幽。顧微生之何恃。茲蓋伏遇

皇帝陛下。至仁溥及。盛德好生。謂刑已正。邪用之初。非獲已而罪。非極惡議之心。傳唯輕。遂致夙愆。猶逃大戮。臣敢不改心思過。擇地圖新。駑馬已疲。久息解轡之望。秋葵未殞。常傾向日之心。苟一介之有掩。終九死而無悔。臣無任

黃州安置謝表

准告。責授房州別駕黃州安置。臣已於九月初三日。到黃州。公叅訖。率情而動。蓋緣不學

之愚議罪惟輕上輔好生之德中謝伏念臣
僻迂陋學庸瑣散材頃守汝陰實名長吏不
能明義以自立乃敢徇私而致衰迹涉背公
事非考古果不逃乎正論猶竊道于嚴誅尚
昇散官更居善地茲蓋伏遇

皇帝陛下聰明洞照博厚有容論罪必厚其
情用法每加之恕故令螻蟻少緩雷霆臣敢
不祇服上仁深恩思往咎禔身以敬學禮必明
從多士以立朝莫諧素願問老農而學稼誓

畢餘生

辭免起居舍人狀

竊以言動之職最近清光儒學之臣以為榮
選實臣孤生實晚進實駑散薄材擢自選人實真之太
學復天祿石渠之職實首預選掄實細金匱玉版
之書兩頌著作功能何有屏退所甘加以冒
昧史官頗糜歲月論次故事未就簡編何有
賢勞遽功獎擢凌階華近入侍禁嚴內循弱
植之易搖實懼多言之可畏敢傾誠懇祈止

誤恩免速顛隳更累樂育臣無任

任起居舍人乞即狀

右臣准尚書省劄子以臣乞知賴相徐潤州
一次奉聖旨不允所乞者臣狀以君父之命
當即奉承尚敢煩言罪當萬死臣秉筆史館
入侍禁嚴漸階寵榮固願冒昧然親近清光
而哀瘵取其肢體論次舊疾而疾苦耗其心
精常懼尸官安能稱職義當自列敢避重誅
伏念臣自患風痺今已五年雖粗支持而去

年冬末因患瘡疹毒氣流注支節脚膝痛痺
甚則屈弱乘騎拜伏動憂顛仆力加調養或
可完安失今不治必成沉痾聖君在上仁愛
專容臣下得以言情卑賤亦恩從欲伏乞除臣
知和賴相徐潤州一次庶得少就優便專意藥
物民社可以竭力俸廩足以紓貧猶冀疲駑
復備鞭策臣無任





